

Autonomy Experience

SÜDTIROL . ALTO ADIGE

Tres l'esperienzes fates nstës mperen de plu y plu aslune.

De gra a Autonomy Experience possa nteressedes y nteressei abiné ora de plu sun l'autonomia dl Südtirol. Na gran vela de informazions va ite sun la storia dl Südtirol, sun la vita soziela de na cumenanza de rujeneda tudëscia, taliana y ladina y sun l'atività economica dla Provinzia Autonoma de Bulsan.

L'autonomia nfluenza dassënn la vita da uni di te Südtirol. Te scola, ti ufizies publics, sun marcià y nchinamei sun l menù dla ustaries dl post – dlonch iel da udëi la gran varietà linguistica y culturela, l vester boni de se guerné nstësc y, de cunseguënza, la gran crëta te sé nstëssa dla jënt.

Ma l viver adum dla trëi grupes linguistiches ne ie nia for stat tan scëmpl sciche al didancuei. Per dejeneies à politicri, reprejentantes y reprejentanc dla pertes sozieles nteressedes y reprejentantes y reprejentanc de stat cuntratà, valutà y arjont cumpromisc.

Ora de chësc adum de esperienzes de gran valuta tol Autonomy Experience si material, purtan dant i aspec politics, leghei y storics dl'autonomia dl Südtirol, ma nce la vita dla jënt: tres video, podcast, webinar y vijites de stude – sibe virtueles che sun l post – possa nteressedes y nteressei jì ite plu sot sun l'autonomia dl Südtirol y se dé ju plu avisa cun la tematches che ti sta plu a cuer.

Autonomy Experience fej da mediatëur y ie l pont de cuntat per duta l'ativiteies y scumenciadives che à da nfé cun la scunanza dla mendranzes te Südtirol y l model dl'autonomia dl Südtirol.

Nëus ulessan spartì cun Vo l'esperienzes fates te Südtirol, dé inant nosc savëi y mëter nsci a jì na rë de liams sterscia a nivel lochel y internazional.

Per plu informazions Ve prions bel de ti cialé ala verscion tudëscia/taliana o nglëija de chësta plata internet.